



«TASDIQLAYMAN»

Toshkent shahar statistika  
boshqarmasi boshlig'i

L.T.Mirsoatov

“9” avgust 2023- yil

**Toshkent shahar statistika boshqarmasida korrupsiyaga qarshi kurashish  
mavzusida bo‘lib o‘tgan yig‘ilish**

**BAYONI № 8**

2023- yil 9-avgust

Toshkent sh.

- Yig‘ilish raisi:** - L.Mirsoatov – Boshqarma boshlig‘ining birinchi o‘rinbosari
- Qatnashganlar:** - Sh.Norkulov – Boshqarma boshlig‘ining birinchi o‘rinbosari
- S.Annazarov – Boshqarma boshlig‘i o‘rinbosari
- M.Usmonov-boshqarma yurist konsulti
- Boshqarma tarmoq bo‘limlari va tuman statistika bo‘limlari xodimlari

**KUN TARTIBI:**

**1.O‘zbekiston Respublikasi Korrupsiyaga qarshi kurashish agentligi direktorining 2023-yil 11-martdagi “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizomni tasdiqlash haqida”gi 54-son buyrug‘i bo‘yicha.**

**2.O‘zbekiston Respublikasi Prezidentining 2022-yil 12-yanvardagi “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to‘g‘risida”gi PQ-81-son Qarorining mazmun mohiyati**

---

*(L.Mirsoatov Sh.Norkulov, S.Annazarov, Sh.Shaagzamova, M.Usmonov, B.Shakarov  
L.Mirsoatov)*

Yig‘ilishda Toshkent shahar statistika boshqarmasining boshlig‘i L.Mirsoatov so‘zga chiqib, O‘zbekiston Respublikasi Korrupsiyaga qarshi kurashish agentligi direktorining 2023-yil 11-martdagi “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizomni tasdiqlash haqida”gi 54-son buyrug‘i yuzasidan va O‘zbekiston Respublikasi Prezidentining 2022-yil 12-yanvardagi PQ-81-son “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to‘g‘risidagi”gi qarori mazmun-mohiyatini boshqarma tarmoq bo‘limlari va tuman statistika bo‘limlari xodimlariga qisqacha tushunchalar berib o‘tdi.

Yig'ilishda so'zga chiqqan L.Mirsoatovning ta'kidlashicha: "Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo'lgan sovg'a qiymati, shuningdek uni tasarruf etish tartibi to'g'risidagi nizom Adliya vazirligida ro'yxatdan o'tkazilgan bo'lib, nizomga ko'ra davlat fuqarolik xizmatchisi O'zbekistondan tashqaridagi xizmat safarlari, xalqaro va boshqa rasmiy tadbirlar, O'zbekistonda o'tkaziladigan xalqaro va boshqa rasmiy tadbirlarda sovg'a olishi mumkin. O'zbekistondagi boshqa xizmat safarlarida sovg'a olish mumkin emas.

Boshqarmaning tarmoq va tuman statistika bo'limlari rahbarlari, xodimlari qonun hujjatlariga rioya etishi, o'z mansab yoki xizmat majburiyatlarini beg'arazlik bilan, xolisona, vijdonan, odob-axloq qoidalarga rioya etgan holda bajarishi hamda korrupsiyaga oid biror-bir huquqbuzarlikni sodir etishdan yoki bunday huquqbuzarliklarni sodir etish uchun shart-sharoitlar yaratadigan boshqa har qanday harakatlardan o'zini tiyishi shartligi yuzasidan ogohlantirildi.

Davlat fuqarolik xizmatchisi oladigan sovg'a quyidagi talablarga javob berishi kerak:

- milliy qonunchilikda taqiqlanmagan ashyolar bo'lishi;
- sovg'a xalqaro va boshqa rasmiy tadbirda ixtiyoriy berilgan bo'lishi;
- sovg'a ochiq va oshkora qabul qilinishi;
- davlat organining obro'siga putur yetkazmasligi;
- manfaatlar to'qnashuvi yoki korrupsiyaviy omilni keltirib chiqarmasligi.

Davlat fuqarolik xizmatchisi tomonidan xalqaro va boshqa rasmiy tadbirlar munosabati bilan olinishi mumkin bo'lgan sovg'a quyidagi talablarga javob berishi lozim:

Shu bilan birga, O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida" gi PQ-81-son Qarorining mazmun-mohiyati yuzasidan ham ma'lumotlar berib o'tildi.

Mamlakatimizda davlat organlari va tashkilotlari, shu jumladan mahalliy ijro etuvchi hokimiyat organlarida korrupsiyaga qarshi kurashish, uni keltirib chiqarayotgan sabab va shart-sharoitlarni aniqlash va bartaraf etish borasida tizimli choralar ko'rilmogda.

Xususan, bir qator vazirlik va idoralar, mahalliy ijro etuvchi hokimiyat organlarida ISO 37001:2016 xalqaro standartiga asosan korrupsiyaga qarshi menejment tizimi joriy etilib, korrupsiyaga qarshi kurashish bo'yicha ichki idoraviy hujjatlar qabul qilindi.

Davlat tashkilotlarida korrupsiyaga qarshi kurashish bo'yicha ichki nazorat tizimi va korrupsiyaning oldini olish bo'yicha boshqa xalqaro standartlarning samarali joriy etilganligi hamda amaliyotga tatbiq qilinganligi reyting baholashning obyeksi hisoblanib, reyting baholash alohida indikatorlardan tashkil topgan quyidagi yo'nalishlar bo'yicha amalga oshirilishi ta'kidlandi. Bular quyidagilar:

birinchi yo'nalish — davlat tashkilotlarida korrupsiyaga qarshi kurashish bo'yicha mexanizm va huquqiy asoslarning yaratilganligi hamda amaliyotga tatbiq etilganligi;

ikkinchi yo'nalish — korrupsiyaviy xavf-xatarlarni aniqlash, baholash va ularni kamaytirish bo'yicha tadbirlarning amalga oshirilganligi;

uchinchi yoʻnalish — davlat tashkilotlari rahbarlarining korrupsiyaga qarshi murosasiz munosabatni koʻrsatuvchi xatti-harakatlarining mavjudligi;

toʻrtinchi yoʻnalish — xodimlarning korrupsiyaga qarshi kurashishga oid ichki tartib-taomillardan xabardorligi hamda ushbu sohada bilim va koʻnikmalarini oshirish boʻyicha tadbirlarning amalga oshirilganligi;

beshinchi yoʻnalish — korrupsiyaga qarshi kurashish boʻyicha tegishli soha yoki tarmoq kesimida aholining huquqiy ongi va huquqiy madaniyatini yuksaltirish, ushbu illatga nisbatan murosasiz munosabatni shakllantirishga qaratilgan targʻibot tadbirlarining samaradorligi sanab oʻtildi.

Yurtboshimiz taʼkidlaganlaridek, korrupsiyaning har qanday koʻrinishiga murosasiz boʻlish kundalik hayot tarzimizga aylanishi shart. Aytish joizki, korrupsiya inson huquq va manfaatlarining qoʻpol ravishda buzilishi yoki uchinchi shaxslar maqsadiga yetishi evaziga kimningdir huquqlari poymol boʻlishi bilan kechadi.

Hech birimizga sir emaski, korrupsiya holatida unga qarshi toʻxtovsiz kurash olib borilmas ekan, har qanday davlatda ilm-fan, sogʻliqni saqlash, iqtisodiyot, bank-moliya, sud-huquq, davlat boshqaruvi va boshqa inson manfaatlari mavjud barcha sohalarda ildiz otib ketishi va mamlakatni ich-ichidan yemirib halokatga yetaklashi turgan gap.

Korrupsiyaga qarshi kurashishga oid normativ-huquqiy hujjatlar yil sayin takomillashib bormoqda, ammo korrupsiyani oldini olish qabul qilingan qonun hujjatlarining amaliyotda qoʻllanilishini taʼminlab beruvchi aniq mexanizmlar yaratilishini talab etadi. Binobarin, korrupsiyani yoʻqotish va unga qarshi kurashish hujjatlar bilan qanchalik tartibga solinmasin inson omiliga borib taqalishi tabiiy. Bu esa, jamoatchilikdan, har birimizdan korrupsiya deya atalmish illatni vaqtida payqash, oʻzi va yaqinlarini undan himoya qilish, ayniqsa, boshqa shaxslarning huquqlari buzilishiga yoʻl qoʻymaslik kabi insoniylik burchlari ado etilishini talab etadi.

Boshqarmaning tarmoq va tuman statistika boʻlimlari rahbarlari, xodimlari qonun hujjatlariga rioya etishi, oʻz mansab yoki xizmat majburiyatlarini begʻarazlik bilan, xolisona, vijdonan, odob-axloq qoidalariga rioya etgan holda bajarishi hamda korrupsiyaga oid biror-bir huquqbuzarlikni sodir etishdan yoki bunday huquqbuzarliklarni sodir etish uchun shart-sharoitlar yaratadigan boshqa har qanday harakatlardan oʻzini tiyishi shartligi yuzasidan ogohlantirildi.

Shu bilan birga, boshqarma hamda tuman statistika boʻlimlari xodimlarining odob-axloq qoidalariga amal qilishlari toʻgʻrisida toʻxtalib oʻtildi.

Kun tartibidagi masalalar va ular toʻgʻrisidagi fikr-mulohazalardan kelib chiqib yigʻilish

### **Q A R O R   Q I L A D I :**

1. Oʻzbekiston Respublikasi Korrupsiyaga qarshi kurashish agentligi direktorining 2023-yil 11-martdagi “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin boʻlgan sovgʻa qiymati, shuningdek uni tasarruf etish tartibi toʻgʻrisidagi nizomni tasdiqlash haqida”gi 54-son buyrugʻi va O Oʻzbekiston Respublikasi Prezidentining 2022-yil 12-yanvardagi PQ-81-son “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari toʻgʻrisidagi”gi qarori rahbarlik va maʼlumot uchun qabul qilinsin.

## 2. Boshqarmaning tarmoq va tuman statistika bo'limlari boshliqlariga:

O'zbekiston Respublikasi Prezidentining 2022-yil 12-yanvardagi PQ-81-son "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risidagi"gi qarori bandlarida berilgan barcha topshiriqlar so'zsiz bajarilishi ta'minlansin hamda, Toshkent shahar statistika boshqarmasi va tuman statistika bo'limlarida 2023-yilda korrupsiyaga qarshi kurashish bo'yicha idoraviy kompleks chora-tadbirlar rejasi bandlarida berilgan barcha topshiriqlar so'zsiz bajarilishi ta'minlansin amalga oshirilgan ishlar bo'yicha ma'lumotlar kiritilsin;

- boshqarma va tuman statistika bo'limlarida O'zbekiston Respublikasi Prezidenti huzuridagi Statistika agentligi tomonidan ishlab chiqilgan "Odob-axloq qoidalari"ga amal qilgan holda o'z xizmat vazifalarini vijdonan va samarali bajarishlari yuzasidan mas'uliyatlarini yanada oshirsinlar.

- korrupsiyaga qarshi kurashish va korrupsiya holatlarining oldini olish yuzasidan qabul qilingan qonun hujjatlari hamda O'zbekiston Respublikasi Prezidenti huzuridagi Statistika agentligi tomonidan bu borada belgilangan vazifalar va chora-tadbirlar ijrosini to'liq ta'minlash yuzasidan barcha zarur choralarni ko'rgan holda, mansab vakolatlarini suiste'mol qilib, korrupsiya holatlariga yo'l qo'ygan rahbar va xodimlarga nisbatan qat'iy jazo choralarini ko'rilishi to'g'risida ogohlantirilsin;

- jismoniy va yuridik shaxslarning murojaatlari hamda axborotdan foydalanuvchilarning so'rovlarini qonunchilik hujjatlarida belgilangan talablar asosida ko'rib chiqilishini, murojaatlarning tahlil etilishi va bu borada faoliyat natijalarini muhokama etib borilishini ta'minlab, ushbu masalalarga mas'ul rahbar va xodimlar faoliyati yuzasidan nazoratni yanada kuchaytirsinlar;

- tadbirkorlik sub'ektlariga ularning huquqlari, statistika sohasiga oid qonunchilik va me'yoriy-huquqiy hujjatlar talablarini tushuntirish bo'yicha ommaviy axborot vositalaridan keng foydalangan holda muntazam maqolalar chop etib borish, televideniye va radio vositalari hamda rasmiy saytlar orqali chiqishlar tashkil etish, bunda ayniqsa elektron shaklda hisobotlarni taqdim etish tizimining afzalliklari va qulayliklari to'g'risida keng ko'lamda yoritib borilishi ta'minlansin;

- boshqarma va tuman statistika bo'limlarida tadbirkorlik sub'ektlari bilan targ'ibot-tashviqot ishlarini keng qamrovda va tizimli asosda tashkil etilishini ta'minlab, bunda asosiy e'tiborni tadbirkorlik sub'ektlari uchun yaratilgan qulayliklar, ularning huquqlari va majburiyatlari, hisobot taqdim etish tartiblari va muddatlari to'g'risida tushuntirish ishlarini olib borilishiga, huquqbuzarliklarning barvaqt oldi olinishiga va ularning profilaktikasi samaradorligini oshirishga qaratsinlar hamda bu borada sustkashlikka yo'l qo'ygan rahbarlar va xodimlarga nisbatan qat'iy intizomiy jazo choralarini ko'rilishi yuzasidan ogohlantirilsin;

- boshqarmaning rasmiy veb-saytining uzluksiz faoliyatini ta'minlash va takomillashtirib borish hamda ulardagi ma'lumotlarni muntazam yangilab va to'ldirib borilishini ta'minlash, shuningdek Davlat statistika organlari faoliyatini ochiqligini yoritib beruvchi ma'lumotlarni keng jamoatchilikka yetkazish, shu bilan birga Statistika agentligi va boshqarma tomonidan berilgan topshiriqlarning tizim organlarida ijro etilishi holatini muntazam ravishda o'rganilsin;

## 3. Boshqarmaning bosh yuriskonsulti (M.Usmonov)ga:

Har chorak yakuni bo'yicha boshqarma va tuman statistika bo'limlari tomonidan xo'jalik yurituvchi sub'ektlarga nisbatan qo'llanilgan ma'muriy jarimalarni O'zbekiston Respublikasi MJtK talablari asosida to'g'ri qo'llanilganligi yuzasidan o'z tavsiyalari berib borilsin.

4. Ushbu seminar qarorlari ijrosini nazorat qilishni o'z zimmamda qoldiraman.

Yig'ilish kotibi

A handwritten signature in blue ink, consisting of several loops and a final flourish, positioned between the text 'Yig'ilish kotibi' and 'A.Mamatov'.

A.Mamatov